



*Minggu, 10 September 2023*  
**Ogen : 2 Raja-Raja 22: 8-10**



**Ngoge Kitab Undang-Undang**



**N**goge jadi sada sumber utama kita i bas ngaloken berita-berita si lit isekelewetta bagepe i bas ateta nambahi ilmu pemeteha. Salah sada buku *best seller* sepanjang masa emekapken Pustaka Si Badia ntah pe Alkitab. Seh bas masa enda canggih endape, Alkitab ntah pe Pustaka elektronik pe nggo banci si akses alu menukah, janah nggo mbue si menggunduhsa i bas hpna. Ertina lanai payah adi ateta ngoge Kata Dibata.

Kai perluna kita rusur ngoge Pustaka, kitab Undang-Undang Dibata? Sipemena, Pustaka Si Badia patoken geluh. Undang-undang mereken kebebasan sekaligus pembatasan. Jadi Pustaka Si Badia selaku Undang-Undang Tuhan mereken dalam kebebasan man banta guna turah bagi sengena ateNa. Janah bas dampar si deban mbalengi kita arah perbahanen si meluat dengen erdosa si lang tengka.

Sipeduaken, Pustaka Si Badia e erkuasa. Pustaka Si Badia erkuasa secara pertendin guna ngubahken pusuhta si batu-batun, erkuasa mpeteneng tendita si rusur mbiar, ia ngapuli kita bas kesusahen, dengen arah pustaka si badia nge sieteh uga kuasa Tuhan i bas nelamatkan doni ras kerina isina arah Yesus Kristus, penebusta.

Jadi meherga kal nge Kitab Undang-undang e bas kegeluhenta. Ogelah rusur. E lah ban jadi sumber bacaan utama bas jabuta. Ula mela ngogesa alu sora si megang, sebab sinasa pe perlu ndengkehken kata Dibata. Keriahen ras ketetapen ukurta i bas ngoge Pustaka eme caranta ncidahken kinitekenta man Tuhanta e.